

The Makuilongdi Express

Liangmai Daily Newspaper

“Mazibo niu ngamne”



Chakehiu zengtung 17th gasu 19th 2022 ga Tamenglong district headquater ga “Orange Festival” tadkiura lengjengniu n-pui kapha, hall khatdi stage kasiam loiwang jiu bam mide.


Bernard Arnault niu tuhoi leng thiujju ra kadihipiri ga lungwi thubomai thiujju bam mide. Pahai LVMH Moet Hennessy-Louis Vuiton SE gu co-founder, chairman khatdi chief executive thiubowe. Karai gara Elon Must niu lungwithu jiu bamniu bowe.



Zengtung 17 Chakehiu 2022 Nidwannai Chiang PO Tamei ,Tml. Dist. Manipur Vol.01. Issue 45 page 1

Kawimai ladjengra karingbo duipinne, chiudi kasama ladjengra kasabo lunlung tu baikhaiye. Kadincham 10:11

Kasuibo lurai makjiu mathiu machuang phungga Statues, Advertising hoardings, Signboards khatdi banners khaibo suilakge. Manipur government.



Cha. 16: Manipur Home department lamsu chamtan padbo sira tuhoi mathiuniu machuangbo phungga maksai government gu buiilding ga, national highways, state highways di n-pui-npai ga statues, advertising hoardings, signboards, khatdi banners rammai masuangjiu state government khuga kasuibo lurai makjiu khaibo suilakge chiujiu chamtan pad mide. Haibo chamtan haisi High Court of Manipur niu public interest litigation filed Khuraijam Devendro Singh niu thiujju, tuhoi haikumbo n-pui-chengniu ga khaibo hainiu tachun kam kabuak khaibo kengjiu padle chiujiu dinne. Chiudi haibo chamtan hai malimai gu phungga khaibam bo haitura kham makge chiudi papou mainiu pasuk-parit lumilo chiujiu dinpad mide. Siniu DCs/ district Magistrates dungtu pagu-pagu jurisdiction lungga bambo sikumbo hoarding, singboards, banners khatdi suimakbo hinangse mazatjiu lupad mira chamtan pipad mide.

New Temporary Market, Imphal West district ga 144 CrPC zeng 7 leng khai mide.



Khwairamband Ima Keithel (PHOTO: IFFP)

Cha. 16: Imphal West district gu magistrate Th Kiran Kumar niu New Temporary market, Thangal bazar, Imphal gahai naimikpui chania leng prohibitory orders under Section 144 (1), 144 (2) and 144 (3) of CrPC, 1973 gasu khai mide chiujiu dinne. New market N-puidi khenga toubammai dunghai n-suan wanchak 6am gasu n-niending wanchak 12 katang hai toubu suilak mide.

Haibo chamtan sai suiiji chamai khang mangiu rii tad aruangbo sui lakge sigasu maitu kamsat suibo mania, singtang, tatu khatdi chaganmi license masan makbo haidung phungbo suilakge chiujiu dinne. Haibo pikhai bambo lungga maidi tajonpot phung ngutbo sui lakge sigasu paliugu mania di market lungga kakam khaidiakbo suilakge chiujiu tanjiu dinpad mide.

Padihtu ngakjiu charimai shaikhai mimai tu chakhuang thiujju Memorial Park kasiam khai raye.



Cha. 16: Chief Minister N Biren Singh niu n-danai 1st Manipur Rifles gu Banquet Hall ga Vijay Diwas maniabo ga dinjiu Manipur maina padih tu ngakbo gasu shai khai mimai tu chakhuang thiukhaibo thiujju paliu zan gasu Memorial Park kasiam khai raye chiujiu dinpad mide.

Rangkang crore 300 hai haibo Park taliura kaipad mide. Haibo park hai maakum 2024 gu Republic Day suangga kasiam loiraye chiujiu dinne. Vijay Diwas hai 1971 kum India nai Pakistan Bangladesh tu khenrang pi thiukhai ra jengniu charii thiubo ga ngamkhai mibo tu maning tao khaibo ngamkamme.

Manipur gu zou khambo, lemibo hai ndechiulo chiubo tachun maniujiu bam mide.



Cha. 16: Excise gu Commisioner niu ndanai public notice padjiu Manipur State ga zou khambambo hai state government niu lemibo hai wimah salo chiubo tachun maniujiu dinwangra kukhai mide. Soukummai mali bidi, civil society organisations bidi, NGOs bidi rou lujiu post gasuma maksai chapumniu wangjiu pirama chiujiu rou masan siak lujiu Commissioner office , Excise cum chairperson ga “White Paper on Lifting Prohibition of Liquor in Manipur” Lamphelpat, Imphal-795004 ga pawan thengmakbo.....
contd. in p.2

Karingting Lunlung



@@@ Kaluu, chiura sra natu lumah Tamenglong mailiu tu anouleng lubamniu sra chia!!!
###Hahh!Ndekam ja????
@@@ Apouky meng bamlu Orange Festival ga zoura chia!
####Hummm!! kumlad din maanoh,araira aky wang ngang brabu!

Soinai leng wasi san lura, n-danai gu kamoubo tu phui lulo.

Editorial

Kadih pawan sai suiuiu aliugu chara chengdi malaa wangmibo kumbo leng ngoukhai jiu bammide. Charatu simakmai (Non-Christian/ Paganism) dunggu cheng (cult) hai aliugu racheng gadi kakeng khai tamanjiu kam madijiu tacheng suangdi thin makungjiu khang kinbo bamme. Din champan boga "Birthday" maksai tam-tambo secular dungniu observe thiu bambo "DAY" dung hai aliu rachengga khoi ngut lujiu paryer day thiujiu observe thiubambo hai kengjiu bam mide. Every Sunday kara kumjiu thainai haibogu day of prayer chiujiu Sunday Devotion leng pawan raipad lakbo kumjiu bamme. Birthday maniabo hai aliugu tacheng ga bamniu bomah maksai ndegasu wanglo chiubo sikhe. Kadih pawanniu phungwang mibo chiubo zan gasu agu tacheng khatdi agu malum tu kam kabuak mimakra phumling gu jupao mainiu di manang khaibo hai pageng sune.

Mathen Cham



Masuang Lawn tennis ga world number one Andy Murray niu tadmibo Kajannai chapkhai mibo saira thaikum panu season's prize doulubo rangkang pakhiangna \$630,000 hai Russia niu Ukraine tu chari thiungut bo gasu kam chari khaibo tu n-khabo thiujiu Ukraine leng piraye chiujiu dinpad mide. Thaikum Karehiu gadi panu court lungga philubo senlan hai UNICEF pira chiujiu dinpad mibowe. Pangam kam kawitu chakhuang thiujiu Arthur Ashe Humanitarian Award di patu pikhai mibowe.

Chalad N-buung

Chunmaludui = Parua pamih thiuson makjiu tadui chungjiu bambo duitu Chunmaludui chiujiu dinne.

GOVERNMENT OF MANIPUR
OFFICE OF THE ELECTORAL REGISTRATION OFFICER : SDO
52-TAMEI (ST) ASSEMBLY CONSTITUENCY
TAMENGLONG DISTRICT

NOTICE

Tamei, the 13th Dec. 2022

NO. 5/ERO (52) ELEC/SSR-2023: Notice is hereby given to all the electors of 52-tamei (ST) Assembly Constituency that the time and place of hearing for Claims/Objections and correction of the particulars applied in form 6,7 & 8 prescribed in the Registration of Electors, 1960 in connection with the Special Summary Revision of Electoral Rolls with 01/01/2023, 01/04/2023, 01/07/2023 and 01/10/2023 as the qualifying dates has been fixed as in the schedule given below:

Sl. No	No. & Name of AC	Polling Stations	Date and Time	Place
1	52-Tamei (ST) AC	52/1 to 22, 52/28 to 33, 52/40 to 46, 52/49 to 52	17th December, 2022 11:30 AM to 3:00 PM	Tamei SDO Office
		52/24 to 27, 52/34 to 39, 52/47, 52/48, 52/53 to 93	17th December, 2022 11:30 AM to 3:00 PM	Tousem SDO Office.

Further, all the concerned claimants/objections are requested to appear in person at the hearing as fixed along with acknowledgement receipt and relevant document(s) with such evidence he/she may add in support of his/her claims and objections. If anyone fails to appear at the hearing as scheduled above, no further claims in this regard will be entertained.

Renee Newmai

Electoral Registration Officer/
SDO Tamei, 52-Tamei (ST) Assembly Constituency.

GOOD NEWS FOR WEDDING PLANNER.
WEDDING GOWN (SET)
Dresses for flower girls and party dress
BRIDESMAID DRESSES

We specializes in all these items, provides decoration item for hiring

At B.S Wedding Gown & wedding Planner
MBC LYDYA Shopping Complex, opp. Law College, Imphal

for sale & hiring

Pahang ga pikhaibambo phone number ga alam sai paman malabo lihga daolu bui ye

Contact: 9862105037 / 878776



Manipur gu zou khambo, lemibo hai ndechiulo chiubo

contd. from p.1.

lungga pikhaira senpad mide. Sikhai suiye thaikum Ngenhiu 20 nai niu Cabinet niu Manipur hai sangju mide sinu state gu revenue hai wisan lura chiujiu Manipur Liquor Prohibition Act 1991 gu chamsui tu khijiu lemibowe. Civil societies, para thiujiu Coalition Against Drugs nai Alcohol Abuse khatdi maipui bowdi waji niu kham bamdi tadkiujiu bammi bowe. National Family Health Survey-5 in 2021 gu kumsai Manipur state lungga bambo chamai takum 15 rilam mai 47.9% kumbo hai zou sakge chiujiu dinne.

The Makuilongdi Express tu chalung sajiu kenbammai, thaikum niu sujiu bambo jengniu wa kachang kam lumakge chiudi maakum gen lamsu khit-khitjiu wisura matan bamme. Pawan sai suiuiu maniadi aliu liusan mak doulakbo bam jengniu naliugu nkha pageng bamme. Siniu naliu gu takumgu maksai chahiugu thiujiu kasiara nkha khai khera sikhai ye. Haibo No. **9366176046** hai G-Pay no. le sinu haiga pikhai suimai pikhaira kahumjiu khengkhai ye. Thonkiude.